

四庫未收書輯刊編纂委員會編

四庫未收書輯刊

北京出版社

陸輯·貳拾貳冊

四庫未收書輯刊

四庫未收書輯刊編纂委員會編

北京出版社

陸輯・貳拾貳冊目錄

清白堂稿十七卷〔明〕蔡獻臣撰

一

鄭中丞公益樓集四卷〔明〕鄭二陽撰

五三七

問石先生語語二卷〔明〕詹軫光撰

七四一

〔明〕蔡獻臣撰

清白堂稿十七卷

明崇禎刻本

虛臺蔡先生文集序

萬曆以來同安蓋有兩蔡先生
其一清憲公敬夫其一則體國
先生二先生皆蚤歲以文學魁
於鄉於天下明習古今吐辭下

叙一

筆於文苑及至剔歷中外更
以吏幹功名著敬夫定湖北兵
變不叱咤而縛其大者後以司
馬中丞督黔馘級八千營星雖
隕餘畧猶足以威彥酋體國始

官儀部值御史與選郎爭朝班
時久不視朝莫曉故事公引

穆廟朝儀一言定之郭宗伯之
議假王公昌言楚王不可不勘
宗伯宜引避不與議二事皆盈

叙二

庭所莫敢下語即有其識者無
其膽有其膽者無其平心於是
天下皆曰二公非文章士也余
不謂然必如二公然後可以為
文章士爾蓋穆之事在謨旦說

之業在命誥三代以來德行政
事名卿碩輔之業皆藏於文章
中孔氏有叙事之文焉左氏是
也有議論之文焉孟荀是也至
於言性與天道可聞不可聞總

敘三

謂之夫子之文章而胡輕言文
章哉余讀虛臺先生清白堂藁
乃知先生平生為人皆在乎是
先生抗厲守高慕汲長孺令其
文直心必達如其人先生風格

慕李元禮今其文簡切趨峻如
其人先生沈毅慕范忠宣今其
文情至懷惻如其人先生兼綜
朱陸如呂伯恭今其文微叅性
命而顯證事物如其人公之魁

敘四

於卿也出楊太史貞復之門其
於理學探索極蚤終身不倦故
其議論雖宗考亭而子靜之船
亦可同舟有明以來文苑自金
華青田諸公至濟上婁江而彬

彬矣然而理學一路終未能合
理學至新建二溪諸君子而極
深矣然文苑猶有晉江毘陵之
論豈惟我

明程蘇兩賢道同而不相爲謀

八五

近者袁公安之優孟婁江也誠
過而其鼓吹姚江也則是陶會
稽稍以上西京之筆發濂洛之
微後有作者雖有至有不至庶
幾合理學文苑而一之不亦可

乎公今集中深有取爾於此矣
同安於吾邑接郊關也吾仲兄
而近與公同己丑進士與敬夫
三人皆以文字聲氣相及不佞
道獲肩隨焉司馬與吾太常既

叙六

往吾兩人交益厚敬夫疏草不
佞序之其全集與先太常集皆
先生序之今先生集不佞道序
之一死一生乃見交情篤而論
之敬夫之文以才情勝體國之

文以識力勝並稱兩蔡先生信
矣若以先生之文章見先生之
理學貞復之門墻考亭之堂室
尼山之大誼孔壁之微言莫不
比義連類博證約說是編之外

叙七

更有合講一書吾鄉自蔡文莊
而後未有若斯之篤也即與虛
齋敬夫俱稱溫陵三蔡先生可
也
崇禎壬午一之日年家友弟王

志道誤



門人陳鑾拜書



叙八

清白堂稿目錄

卷一

奏疏二十一附石田說

卷二

奏疏十九

卷三

時務九

職掌三十八
主客儀制常鎮
浙海提舉

卷四

序題四十五

清白堂稿目錄一

卷五

序文五十四

卷六

序文三十九

卷七

雜紀十一

贊十

偈二

卷八

書題十二

箴一

記碑十七

論六

募疏十六

卷九

尺牘七十八

卷十

尺牘六十五

卷十一

四六啓一百十四

表一

卷十二上

清白堂稿目錄二

四言古詩五首

五言古詩五十四首

七言古詩四十六首

五言律詩一百十二首

五言排律一首

卷十二下

七言律詩二百三十五首

七言排律一首

五言絕句二十九首

六言絕句一首

七言絕句一百十二首

卷十三

紀一

傳十一

神道碑二

墓表一

卷十四

墓誌銘十一

卷十五

墓誌銘三十

卷十六

禱祭文七十七

卷十七

同安志十七

清白堂稿卷目錄三

學光敬卿

大壯允興

男蔡甘雨卿孫

大有

蘇諍虎

曦光信卿

會貞允會

姪蔡國光士觀姪孫

斤允方

壻陳元錚季和

外孫丁棟幼宰

全校閱

清白堂稿目錄

清白堂稿卷一

明同安直心居士

奏疏

懇乞勵精圖治以光

聖德以釋群疑事

新選南京刑部主事蔡獻臣

夫今天下之久企而未定者莫大於儲貳而又曠而宜

舉者莫急於視朝建儲之事多官上請伏蒙 睿旨立

儲自有長幼天下翹首而望盛典有日矣乃視朝一節

三時缺焉夫盛夏溽暑偶輟猶可今秋氣涼爽矣 皇

清白堂稿卷一

上春秋鼎盛即有微疴宜可勿藥今曠日移時矣向者

或疑 皇上勵精漸不如初既內閣再傳 聖諭知

宸躬尚須靜攝亦遂委心將順閣部不以請臺省不以

言然而 皇上一日未出疑未歇也竊聞外人之言以

爲 皇上率夜深方寐日旰乃起故不能及朝期此內

事臣不能知如果有之不審 皇上之所以夜寐而晏

起者何爲乎夫美麗窈窕令人性蕩便嬖柔媚令人意

傾甘脆醇醲令人體憊如是則迹雖靜而實不得靜名

雖攝而實悖其所以攝之方臣愚以爲不如日御臣工

日攬幾務使其神有所濟勵而不弛其形有所運用而不佚則德自清明身自強固古昔哲王所以養壽命登綦隆者莫不由此 陛下何憚而不爲耶夫人主一身天地祖宗之所付託中外臣民之所觀望今之習尚見人拱揖觸地隨聲唯諾則目爲老成稍自發一識則必笑之遇事首鼠兩端模稜規避則目爲鎮靜稍激昂擔當則譏其任氣上之大臣以此品格其下下之新進以此程量其上鮮有實心任 國家事者也重以淮徐苦水浙直苦旱萬姓嗷嗷莫必其命 陛下不躬自勉以

清白堂稿

卷一

二

占

爲之倡天下聞之又必急矣即 聖諭諄切亦屬虛聲必且玩矣大臣者庶僚之表今或會推有本而 命閣旬日不下此非所以重具瞻示天下也若朝期不虛則輔臣得以面請必不至是又觀輔臣錫爵求去之疏亦謂 皇上徒優以體貌而不必用其言夫使十七年之早朝晏罷墮於今日使直節讜言之臣忍離左右臣竊惜之易曰飛龍在天利見大人夫布衣韋帶之士猶心艷朝廷今諸臣升輿濫需次都城久未嘗得見 上也日且服官遠通辭闕下去矣非三年考績不得至京師

竊恐遠方之父老封疆之外吏想像 聖顏聚而相問將安置對乎臣愚不勝款款又以事關 皇上輒不避出位之罪伏乞開張 聖聽慎寢興省藥餌遠聲色薄滋味 明詔視朝之期則累年之勤勵益光而臣民之疑盡釋精神流貫四體康強奚必優游大內乃稱靜攝哉夫 皇上誠一視朝親近耆碩屏去內誘而後建儲日講之大典可次第舉行臣愚幸甚天下幸甚

疏

擬南京九卿恭候 聖躬萬福因軫時艱輸忠悃

清白堂稿

卷一

三

占

近該吏部尚書臣魏等一本爲感時事念 聖躬懇乞視朝御講以保太平事奉 聖旨覽奏知道了但朕疾未愈寢食俱廢非敢安逸卿等爲國大臣當爲君任職爲民任事豈以聞言沽譽爲是這問慰該衙門知道臣等伏而思之夫爲君任職而職孰大於補衮爲民任事而事莫要於恤災蓋周公之告其君歷叙三宗文王廸哲享國或五七十年而其大要不過度天命惠庶民自朝至晏不遑暇食三代下主乃有沉湎夜分聞聲拂諫猜嫌刻薄者治日以替祚亦不長竊見 皇上經年靜

攝邇萬壽聖節俯從輿論繼二升殿一御門旋復免朝講如故是群下將假此以回大內之駕而皇上徒一出以拄天下之口竊聞中外藉藉以爲皇上有意法世宗乎夫世宗最號英明雖設醺脩齋而朝奏事夕得報內批手詔一日再三下太阿在已威福莫測故天下僅維持以不亂然而晚年權奸用事盜賊生發其累嘉靖之治非淺鮮也今皇上方升之年庭燎不問經筵不講而寢興無節勳業過度此豈可優游之時而亦豈卻疾之方乎臺省臣言之不聽閣部臣言之不聽不特此耳一切章奏稍涉逆耳即便留中諸臣竭忠盡慮皇上若罔聞知猶意曾經睿覽矣而中外惶惶莫知所出設有憐人瘼蔽其間事卒出不測須取上裁者再請則無及再請而又不待則奈何方今地震水涸天鼓鳴颶風作近河之民魚鱉爲隣旱熯之地糞殮不繼此皆百年未有之災又其甚者民窮則且生心而兵餉匱竭邊釁猶有可虞皇上雖發帑賑貸所及幾何又不知民得沾實惠否此者權璫復進雖未有滔天燎原之勢而已有涓涓星星之萌且聞宮闈侍御之際少不中旨輒加

簪楚夫御下之道惟在節制束縛不假以事權若苛譴細故褻尊傷重或生他故雖神明擁護萬萬無事然本非天子之所宜親也若此者以事天地恐干和氣以御臣民恐成隔閡以聞外夷恐損威靈以書史册恐累盛德皇上何不鷄鳴而起辨色而視朝退御講幄或臨便殿召儒臣與辨論經旨召輔臣與裁決章疏夫未明求衣端拱南面見爲不如燕寢之娛廣廈細旃牙籤玉軸見爲不如歌舞之適然接賢士大夫之時多必能有所涵養開豁而人主之精神用之于政事經史則必不分之于聲色貨利喜怒自平意氣自通何恙弗已何治弗臻皇上若果行此則有世宗勵精之實而無世宗倦勤之迹萬年之曆三宗文王何足云哉臣等非敢拾過沾譽念受國恩厚不忍負皇上且以任職任事無出此者伏惟聖明裁奪宗社生靈幸甚

奉 詔陳情懇乞 天恩復父職以廣 皇仁疏

禮部主客司郎中蔡獻臣

臣行能淺薄叨塵郎署茲者蒙 恩實授揣分已踰何敢過有希覬惟是烏鳥私情際此曠典不得不哀陳於

君父之前伏讀 恩詔兩京文官一品至九品各給與應得誥勅欽此一時大小臣工誰無父母誰不霑被而臣故父原任浙江按察司按察使蔡貴易以聽降之官不得與於進階之列臣心竊痛之竊照臣父由隆慶二年進士浙江崇德縣知縣歷南曹郡守副使叅政以至前官生平宦跡多在浙黔兩地之人頗皆相信緣浙臬勘問執法以致仇口中傷萬曆二十三年大計拾遺覆奉 欽依降用臣父感激 恩造正思畢力以收桑榆而不虞身先朝露矣查得吏部職掌凡閑住官職高於清白堂稿 卷一 六

子者准其子陳乞復職又查得原任廣東按察使唐九德考察降調近以伊子南京戶部員外郎唐斯盛考滿奏 准復職臣父視唐九德官同聽降同比之閑住者又為有間而 覃恩浩蕩亦非尋常考滿之比用是披瀝上 請伏乞 勅下吏部查例題覆將臣父 准復按察使致仕則汪濊 湛恩不致遺於泉壤而啣結報私當共矢於存歿矣

議處貢夷利瑪竇疏

萬曆辛丑

禮部題為盤獲遠夷隨身行李一併題知事主客清吏

司案呈云云看得利瑪竇一寓夷耳異物進獻既非貢例到京潛住尤涉詭秘相應酌議題請等因到部看得外夷之進貢也必齋國王表文必由布政司起送而其入都也必扁之會同館必餽之光祿寺必下臣部譯審明白而後疏進內府必經鴻臚寺報名見朝而後宴賞禮遣焉此 祖宗之定制而禮官之職掌也查得會典正有西洋國及西洋瑣里國並無大西洋名色其遠近真偽俱不可知寄住二十年方行進貢土物則與遠方特來慕義貢獻者不同其有無希冀營圖亦不可知且清白堂稿 卷一 七

其所貢天主圖天主母圖既屬不經而隨身行李如神仙骨等物夫既稱神仙自能飛昇安得有骨則唐韓愈所謂凶穢之餘不宜令入宮禁者也臣等以為此等方物若先到部譯驗臣等必以例上請卻回又若隨身行李未經諒監徑進則仰揆 明旨止是解進所貢方物而未嘗察及其餘今馬堂混進之非與臣等溺職之罪俱有不容辭者利瑪竇既奉 旨送部乃不赴部譯而私寓僧舍臣等不知其何意也但查各夷進貢必有回賜使臣到京必有宴賞利瑪竇以久住之夷自行進貢

雖從無此例而其跋涉之勞片曝之思似不可不量加賞資以酬遠人合候 命下將利瑪竇比照暹羅國存留廣東有進貢者事例頭目人等賞紵絲衣一套紵絲羅各二疋龐迪我比照從人紵絲衣一套紵絲羅一疋其隨身行李容令內府各衙門開具上請量給回 賜價值臣等一面移文兵部討取勘合候事畢送回廣東江西等處官司收管或入籍居住或附船歸國俱各聽從其便第不許潛住兩京與內監交往以致別生事端再照夷人自有夷方服飾中國自有中國儀章而利瑪竇之到臣衙門也方中野服尤屬可駭臣等以為本夷及龐迪我見朝謝恩俱當青衣小帽以安為 聖人之民惟復念其進貢微誠見朝之後照暹羅等國通事事例將利瑪竇量給冠帶回還則遠人向化之心既慰而明王慎德之治益光矣

放歸病夷以彰柔遠德意疏

禮部題為放歸病夷以彰柔遠德意事主客清吏司案呈云云到部看得利瑪竇涉遠貢珍乃其一念片曝臣等議擬賞賜之外量給所進行李價值并給冠帶回還

清白堂稿卷一

八

泉

蓋亦參酌事理上聽裁奪迄今候 命不下者五閱月矣無怪乎本夷之鬱而成病病而思歸也察其情詞懇切蓋真有不願尚方賜予惟欲山棲野逸之意譬之禽庶久羈愈思長林而志豐草人情固然委宜體念臣等再三斟酌合無止照前例給與衣服紵絲羅疋利瑪竇量給冠帶行移兵部填給勘合仍差通事送回江西等處聽其深山邃谷寄跡怡老下遂本夷物外之踪上彰聖朝柔遠之仁儻 明旨猶或遲留臣恐本夷因病轉鬱因鬱轉病且其人冉冉老矣萬一霜露不虞無論臣部職掌有辜即 皇上弘慈不遺一介將必追咎臣等不力請而無及也四裔亦必相率以利瑪竇為戒尚復有重譯而趨闕廷者哉恭候 命下容臣等遵奉行移開給應付施行臣等幸甚遠夷幸甚

代馮琢庵宗伯告病第三疏

頃該臣以抱病侵尋職業久曠再疏奉 旨該部侍郎員缺着將原推高來着卿有疾宜慎加調理稍可即出供職吏部知道欽此旬日以來除左侍郎恭候欽點外顧 君恩愈重臣病愈深臣之飲食起居無以大異於

清白堂稿卷一

九

占

常人而肌肉日就瘦弱精神日覺銷亡顏色痿黃咳嗽不止知交咸訝其一旦至是諸醫盡謂非時月可療無之部務煩多欲置而靜攝則瘵曠為懼欲出而視事則病憊不支兩者交戰臣心益苦病益進矣夫以臣之年則事陛下之日宜長以臣之病則事陛下之日虞短陛下幸愛憐臣何不早令解釋部務就醫故里庶幾狗馬病軀漸有起色與村童野叟長祝萬年之壽臣心竊快之孰與羈臣簪紱而責之以其所必不可堪優臣體面而望之以其所未易復臣恐溢先朝露長負恩清白堂稿卷一

私為此哀鳴於君父之前伏惟陛下憐察放歸臣無任伏枕懇切祈籲之至

代馮琢庵宗伯告病第六疏

頃該臣奏為病勢沉重痊可無期懇乞聖恩早放生還事候命二旬未奉俞旨仰見皇上眷念微臣不即棄捐自非十分危苦詎忍再瀆宸嚴臣身素羸無恙不虞一疾遂至狼狽其瘦削咳啞之狀已具屢疏計在聖明憐憫今淹延愈久形神俱非二陽為崇諸醫皆走初臣猶慮部務廢格勉強支撐今則靡有膂力以

念職事陛下典禮還諸陛下耳夫臣所受恩深而莫能報情摯而不忍離者惟皇上與臣母日者萬壽節屆嵩呼盈廷臣伏枕展轉竊自憐也臣母衰年惟臣一子臣病以來母氏晝夜流涕欲得俱歸已不忍見臣之病則欲先歸以需臣歸臣亦不忍傷母之心於十三日先聽其歸而後自圖為歸顧自臣母行後臣思轉深病轉劇母之涕泣而念臣者更當何如即今不歸臣母子不及見也臣以旦夕餘生忍不自決曠邦禮之典司孤一人之眷倚貽母氏之離憂是臣乃不忠不孝之人耳雖溢先朝露目亦不瞑皇上作養臣擢拔臣忍令臣危苦至此而不怛然垂慈哉是用瀝血陳誠于至尊之前伏乞皇上俯施哀憐容臣回籍調理錚疊相依或有起色則從今之年皆皇上再生之賜即不幸膏肓難療長負恩私歿無所憾臣綿悷勒辭無任迫切待命之至

擬九卿請信勅諭疏 壬寅

謹奏為成命風行懽聲雷動懇乞聖明決大機彰大信以保萬年治安事十六日伏聞聖躬違和詣闕

問安維時欣傳 皇上特 召輔臣將罷礦稅釋干連
補臺省復言官臣等不勝顙顙待 命已而 勅諭果
下京師懽騰自夜達旦以爲 皇上真仁明雄畧之主
追堯舜於一時轉治安於片紙次早部科隨即抄行坊
市隨即傳布該謝 恩者謝 恩該辭 朝者辭 朝
不知四方聞之其懽欣踴躍又當何如午後忽聞內使
取回原 勅又聞 皇上於礦稅尚在必行一時傳誦
變而爲惶惑萬姓懽呼轉而爲舐望不知四方聞之其
舐望惶惑又當何如夫礦稅之害臣等連歲疏罷及聞
清白堂稿 卷一 十二

危治亂之機不細且書之信史聞之四夷謂 天子神
聖而二三其 命咸爲今日惜此舉動其所關於 聖
德亦不細臣等當日即欲叩閣第 聖體未平慮致煩
聒茲謹合疏以請伏乞 皇上察雲霓之情執金石之
令除釋干連補臺省復言官等事容該衙門遵奉施行
其礦稅織造申命如原 勅停止則祝頌之聲蒸爲太
和而萬曆之治永保無虞不然竊恐四方紛紛多事
皇上必且追咎臣等今日不言也無任激切俟命之至
擬禮部論黃河水竭疏 壬寅
清白堂稿 卷一 又十二

冊立諸禮次第舉行相戒靜俟以爲 天啓 聖衷必
有悔悟停止之時今 嘉禮甫完 勅諭隨頒不惟繫
憶萬蒼赤之命而實徵 宗廟 社稷之靈不惟體
聖母子惠之心而實示皇儲佑啓之範 綸綍一敷豈
容更易若 聖意尚復猶豫竊恐遠邇愚民傳聞疑惑
以爲過此機括何日得停必將妄意左右之人有言利
以榮 聖聽者必將歸罪閣部諸臣不能將順以成
德美者必謂 勅既止之而誰復徵之必不復俯首甘
心而就叅隨遊棍之朕削倡禍釀亂實從茲始其關安

奏爲災變異常懇乞 聖明亟圖消弭以維治安事竊
惟人主精神上與 天地流通而下與群生繫命故得
道則天應之祥失道則天應之異漢臣有言祥多者其
國安異多者其國危災異之來在審所由致而求以實
事挽回之是以天休滋至而福祚無疆也比聞陝西河
州城北黃河水竭深僅三尺期逾半月臣等不勝駭愕
以爲 皇上神聖蒼穹享佑何所過差而災變若是考
之今歲異星入垣日先如赭無之風霾寒天黃霧晝晦
占候所言有識寒心然未有如此河之爲變且異者也

夫河出崑崙水來天上是以榮光表瑞流清兆聖善既
先知咎豈無徵昔夏周之季伊洛三川嘗竭矣伯陽甫
曰國依山川山崩川竭不過其紀劉向謂陽失在陰者
火氣煎水故川竭占曰君德消政易則然京房易傳曰
君臣相背厥異水絕此皆爛然往牒可考鏡也臣等愚
蒙不知其解竊謂河瀆之行地猶元氣之周身而貨財
流布於天下也自礦稅使出而四方民力竭矣參隨爪
牙椎吮膏血饑鷹餓虎縱橫道路所輸內帑能幾而所
股生靈無算故今之時間閭貧矣府庫亦貧獨貂璫投
清白堂稿卷一 十三 占

譬之壅水有久而不潰者乎萬一夫倡亂有不群起
而響應者乎皇上其無方收也夫皇上第見地方
小譟旋就寧帖以爲何施不可而不知國體已損亂形
已成矣自古禍敗必民窮於下而後譴見於天必天變
於上而後巨盜大奸乘之而起何也以積怨深怒之人
而重以饑饉窮迫之天何忌而不爲何戀而不動勢之必
然其無足怪臣等典禮無狀致茲殃咎言念及此不覺
晝夜屏營願惟犬馬微誠何能動天皇上爲宗子未
有父怒而子可晏然者未有子實恐惧修省而父不霽
清白堂稿卷一 十四 占

威者出言行政便可旋乾轉坤伏望皇上事天以心
應天以實亟將礦稅先行停罷而又釋干連之繫錄廢
棄之臣通遷轉之路憬然深思曠然更始則人心悅而
天意得將見四海安瀾九河順軌特在一念轉移間耳
臣等無任懇切祈禱之至

題催回夷王價疏 壬寅

禮部題爲遠夷貢畢乞賜開市以便回還事主客清吏
司案呈查得前項玉石該御用監於萬曆二十九年十
一月十二日差官匠號進去後今夷使沙黑等七十名